



Kommunalbestyrelsi 25. februar 2021 nal. 9:00

**Kommune Qeqertalik Kommunalbestyrelsi
02-2021**

Hansen, Ane	IA
Olsen, Peter	IA
Broberg, Bia A.	IA, Sinniissaq Klaus Lundblad peqataavoq
Nathanielsen, Karl Thue	IA
Aronsen, Hans	IA
Petersen, Thomas	IA
Kristensen, Niels	IA
Jeremiassen, Kristian	IA
Jeremiassen, Nikkulaat	S
Sandgreen, Enok	S
Mølgaard, Timooq	S
Jeremiassen, Otto	S
Frederiksen, Ole I.	S
Broberg, Kristian	S
Kristensen, Naja	A

Ataatsimiinnermi aqutsisoq: Ane Hansen, IA
Allatsi: Kulunnguaq Reimer Olsen
Ataatsimiinneq: Skypekut

OQALUUSERISASSAT

21-002 Aasianni meeraaqqeriviit, meeqqeriviit iPadinik sulinermanni atortorissaaruteqalernissai.....	3
21-003 Qeqertarpaat Tusaataanut kiffartuussinissamik isumaqatigiissut.....	6
21-004 Iginniarfimmi qamutit sisamanik assakaasullit taarsernissaat.....	9
21-005 Kangaatsiami illup B-322-ip attartortakkap attartortagaajunnaarnikut iluarsaannissaa.....	11
21-006 Qeqertarsuup eqqaani Kuannit misissorneqarnerat.....	13
21-007 Siunnerfik - Suliniuummut ataqtigisaarisumik atorfimmik pilersitsineq.....	15
21-008 DSP Qeqertarsuaq sneescooterinik pisinissamut qinnuteqaataa	17
21-009 www.qinersineq.online Kommune Qeqertallip ilisarnaataata atornissaanik qinnuteqaat	20
ATAATSIMIINNEQ NAAVOQ:	22
ATSIORFISSAQ:.....	22

Oqaluuserisaq	Oqaluuserisassat akuerineqarnerat
----------------------	--

Oqaaseqaatit:

AALAJANGERNEQ:

Oqaluuserisassat akuerineqarput. Hans Aronsen ataatsimiinnermi peqataanngilaq. Ane Hansenip ataatsimiinnermi aqutsineq Otto Jeremiassen tunniuppaan nal. 10:10.

Sag nr.	21-002	Bilag nr.	02		
Oqaluuserisaq	21-002 Aasianni meeraaqqueriviit, meeqqeriviit iPAdinik sulinermiinni atortorissaaruteqalernissai				

Eqikkaaneq:

Aasianni
upernaaq iPad 10.klasseni atuartut utertitaat atorluarumallugit Aasianni meeraaqquerivinni, meeqqerivinni
iPAdinik suliaqarnissamut siunertalimmik atugassanik aalajangersimasunik amerlassusilikkanik
pilersitsinissaq tullinnguuppoq.

Suliap saqqummiunneqarnera:

Meeqqeriviit meeraaqqueriviillu tamarmik meeqqat inerikkiartuutaasumik perorsarneqarnissaat siamasissumik suliarisarpaat. Ullutsinni meeqqat ineriarornerup nassataanik digitalip silarsuaanik atuisarlutik angerlarsimafimminni sungiusimalereerpaat, taamaattumik meeqqat digitalimik atuillutik ulluunerani meeqqerivinni ineriaruutaasumik siunertalimmik atuilersikiartornissaat anguniarneqarpoq. Sulisullu meeqqanik ilinniartitsinissaminnt digitalimik sulinermi aallartinnermi pingaarutit ilagivaat, sulisutut ataasiakkaatut suleqatigiittullu ataatsimoorussamik suliffeqarfiup iluani digitalimik qanoq atuinissaq naliersueqatigiilluni suleriusissanik aalajangersaanissaq¹. Kommune Qeqertalimmi iPad atuilernissamut aallartitsineq sulisut assigiimmik siunnerfeqarnissaat qulakkeerumallu angajoqqaat assigiimmik ersarissumillu ilisimatinnissaat pingaaruteqarpoq. Meeqqanut iPAdimik atuillutik qanoq perorsarneqarnissaat suliffeqarfiup qanoq suleriusissiorissaannut peqataanissaminnt periarfissinneqassallutik². Meeqqat digitalimik atuinerminni naqqaniik tunngavilerneqarnissaanut tunngavissillugit, suliaqarluni siunertalimmut iPad atorlugu isiginnittaaseqalernissaat siunertarineqarpoq. Meeqqat meeqqerivinni iPad atorlugu, suliaqarnerminni sulisut meeqqat ataasiakkaat pillugit takussutissiorsinnaalissapput. Angajoqqaat aallerneranni, meeraq pillugu ataatsimiinnermi toqqaannartumik assinik anillatsitseqqaanngikkaluarluni TV atorlugu assinik sarsuasartussanik takusassaqlissapput. Meerarlu ulluunerani meeqqerivimmiinnerminni sulerismanerluni assit taakku iluaqutsiullugit oqaasertalersuisinnaanngussaaq.⁴ Meeqqap oqaasertusarnermini suliaqarnermini misigisai, suliai, assit, videoklippit atorlugit meeraqatini saallugit oqaasertalersuilluni saqqummiisinnaanngussaaq. Kommune Qeqertalimmi meeqqat atuartunngorsarneqarnissaannut siunertamut digitali atorlugu piginnaasaqalereernissaat qulakkeerneqarnissaq.

Inatsit toqqammavigineqartoq:

- Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq

¹ Ilangussaq 1: Digital- Sulinermi periusissatut imminut nalilerneq

² Ilangussaq 2: Digitali atorlugu oqaloqatigiinnermi kortit

⁴ Ilangussaq 4: Videoklip Qeqqata Kommunea-ni meeqqerivinni iPAdinik atuilluni takutitassiaaqqat.

Kapitali 1, Pingarnerusutigut aalajangersakkat

§ 1. Inatsisartut inatsisaata matuma meeraq qitiutillugu, meeqqamullu angajoqqaatut oqartussaasut imaluunniit meeqqamik pilersuisiusut suleqatigalugit, meeqqanut ataasiakkaanut suli atualinngitsunut pitsaanerpaamik ikorfartuinissaq qularnaassavaa, tassuunakkut meeqqap peqqissumik imaqrarluartumillu inerikiartornissaa qularnaarumallugu.

§2-imi Imm. 2. Meeqqat suli atualinngitsut akornanni perorsaanikkut suliat, Inatsisartut inatsisaat manna naapertorlugu ingerlanneqartut tamarmik, angajoqqaatut oqartussaassuseqartut imaluunniit meeqqamik pilersuisiusut meeqqamullu attaveqaataasut suleqatigalugit pissapput. Suliaq ingerlanneqassaaq atuarfimmut ikaarsaarialuarnissaq siunertaralugu piginnaasat tunngaviusut ilikkariartornissamullu kajumissutsip inerisarlugillu tapersorsornerisigut, aamma meeqqap inooqatigiissutsikkut nalinginnaasumillu pisinnaasanik pigiliussiniarnerani kaammattuillunilu inerisaanikkut.

Aningaasatigut inissisimanerat.:

Aallaqqaammut siunertaavoq Interneteqarani iPadimik atuinermik sungiusarnissaq. Kingornali siunertarineqarpoq Internetimik attaveqalernissaat, Internetimik attaveqalerniarnermi aningaasatigut imannak malunniunnissaa naatsorsuutigineqarpoq:

- Kommune Qeqertalimmi TELE Greenlandimut kiffartuussinermi akiliutigisartakkamut meeqqeriviit meeraaqqueriviillu ilanngutsinniarneqarnerat.
- Ipad TV-inik TV-it ikkussuiffiginissai qulinik atorfissaqartinneqarput, MDM pisinnaatitsissut, kabeli aaliangerfialu. Taakkulu ima naleqarput:

Suussusaa	Akia	Amerlassusai	Akia
APPLE TV 4K 32GB *Pisinermi eqqaamasassaq: MDM pisinnaatitsissut	1.200,00 kr.	10	12.000,00 kr.
MDM pisinnaatitsissut 36 qaammatit. Ataatsimut akeq.	178,20 kr.	10	1.782,00 kr.
AppleTV aalajangerfia	295,00 kr.	10	2.950,00 kr.
Katillugit			16.732,00 kr.

- Aningaasartuutissat meeqqeriviit namminneq akilissuaat. Konto 5-10 Atortussarsiarnermi pisinermi.

Saqqummiussaq akuersissutigineqassappat tunngavilersuutit:

Allattoqarfiup inassuteqaat akuerisassanngorlugu inassutigineqarpoq.

Ilanngussat

Ilanngussaq 02-01 Digital- Sulinermi periusissatut imminut nalilerneq

Ilanngussaq 02-02 Digital dialog kort DK

Ilanngussaq 02-02 Digitali atorlugu oqaloqatigiinnermi kortit

Ilanngussaq 02-03 vejledning-til-digital-dialog

Ilanngussaq 02-04 Videoklip Qeqqata Kommunea-ni meeqqerivinni iPAdinik atuilluni takutisassiaaraq. Uani linkimi takuneqarsinnaapput: <http://www.atuarfiit.gl/meeqqeriviit/?lang=da>

AALAJANGERNEQ:

Ataatsimiitaliaq Inuit ulloq 3. Februar 2021 ataatsimiinnerminni aalajangernerat:

Inassuteqaat akuerineqarpoq.

Inoqarfinni tamani Ipad-inik siunissaq qaninnerusoq atuisoqalernissaat kissaatigineqarpoq.

AALAJANGERNEQ:

Ataatsimiitaliaq Inua ulloq 17. Februar ataatsimiinnerminni aalajangernerat:

Inassuteqaat akuerineqarpoq.

AALAJANGERNEQ:

Inassuteqaat akuerineqarpoq.

Kissaatigineqarpoq inoqarfiiit sinnerini aamma atuutsinneqalissasoq.

Suliap nr.:	21-003	Ilanng. nr	03	Journal nr.
Oqaluuserisaq	21-003 Qeqertarpaat Tusaataanut kiffartuussinissamik isumaqatigiissut			

UTEQQIINEQ:

Ataatsimiitsitaliaq Timi Tarnilu 13. Maj 2020 ataatsimiinnerminni aalajangerput, Qeqertarpaat Tusaataata kiffartuussinissamut atatillugu qinnuteqaataa 350.000 kr-mik aningaaasartaqartoq akuerineqassasoq. Isumaqatigiissut 31. Juli 2020-mut killeqarpoq, ilanngullugulu aalajangiunneqarpoq tamassuma kingorna naalaakkersuinikkut isummertoqassasoq, isumaqatigiissummik pilersitsisoqassanersoq. Tamanna toqqammavigalugu allattoqarfik kiffartuussinissamik isumaqatigiissummik siunnersuuteqarpoq.

SULIAP SAQQUMMIUNNEQARNERA:

2020 ingerlanerani allattoqarfip Qeqertarpaat Tusaataat arlaleriarluni naapeqatigisimavaa, isumaqatigiissummum atatillugu ajunngitsumik suleqatigiinnissaq qulakeerniarlugu. Qeqertarpaat Tusaataat Kommune Qeqertalik suleqatigiillutik, qaammatikkaartumik aallakaatitsiffissat pilersaarusiortassavaat. Kommune Qeqertalimmi innuttaasunut tusagassiisarneq pillugu sullissinissamik isumaqatigiissut malillugu Qeqertarpaat Tusaataata suliassai tassaapput:

- Nalunaarutinik sunilluunniit innuttaasunut nalunaarutigineqartussanik nalunaaruteqarneq. Nalunaarutit ullormiit ullormut Kommune Qeqertalimmi inoqarfinni tamani, kommunip allaffiiniit nassiuinneqartut toqqaannartumik atuaannagassat, siumoortumik immiunneqareersimasut ilanngullugit.
- Ataatsimiitalianik ilisaritsinerit aamma tusagassaqartitsinerit; suliat suunerinik, aamma siunniussinernik imaqartussat.
- Sanaartugassanik assigisaannillu suliaqartoqassatillugu kommunip kissaateqarneratigut saqqummiussinerit.
- Aasianni ingerlanneqartuni kommunip aaqqissugaanik toqqaannartumik aallakaatitsinerit, taassuma atani katersortarfimmit, timersortarfimmit, kulturikkut/timersornikkut assigisaannillu aaqqissuussat. Qeqertarpaat Tusaataat 93 MHz peqataatillugu aallakaatitsinerit ingerlanneqartassapput. Kommune Qeqertalimmi sumiiffinni allani annertuumik pisoqartillugu innuttaasut peqatigalugit tusagassiineq.
- Aasianni innuttaasunik ataatsimiititsinernit toqqaannartumik aallakaatitsinerit.
- Kommune Qeqertalimmi najukkami ataatsimiitaliat sulinerannik malinnaaneq, aamma innuttaasunut attuumasunik peqartillugu aallakaatitsinikkut sammisaqarnerit.

Aallakaatitassiat pitsaassusai qaammatikkaartumik nalilersorneqassapput, isumaqatigiissummullu naapertuitinngittutut isumaqarfingineqarpat isumaqatigiissut unitsinnejqarsinnaavoq. Isumaqartoqarpat isumaqatiissut unitsinnejqassasoq, tamanna qaammatip ataatsip qaangiunnerani nalunaaruteqarnermiik unitsinnejqassaaq. Qaammatikkaartumik kingumut akiliisoqartassaaq.

Aaqqiissutissatut siunnersuut

Allattoqarfip innersuussutigaa Kommune Qeqertalimmi innuttaasunut tusagassiisarneq pillugu sullissinissamik isumaqatigiissut akuerineqassasoq.

ANINGAASATIGUT KINGUNISSAI:

Kommunalbestyrelsi 30. April 2019 ataatsimiinnerminni aalajangerput, kiffartuussinermut isumaqatigiissutip aningaasalerneqarnera konto 59-00 ataaniittut atorlugit piviusunngortinnejassasoq. 2021-mut missingersuutip ukiup siulanut sanilliullugu allannguiteqarnera pissutaalluni, allattoqarfik siunnersuuteqarpoq kontot uku atorneqassasut:

Konto 59-01-10-35-00	Aasiaat	196.000 kr.
Konto 59-00-35-35-00	Kangaatsiaq	35.000 kr.
Konto 59-00-30-35-00	Qasigiannguit	66.000 kr.
Konto 59-00-40-35-00	Qeqertarsuaq	53.000 kr.

Massakkut uninngasuutit

Konto 59-01-10-35-00	Aasiaat	1.200.000 kr.
Konto 59-00-35-35-00	Kangaatsiaq	130.000 kr.
Konto 59-00-30-35-00	Qasigiannguit	250.000 kr.
Konto 59-00-40-35-00	Qeqertarsuaq	500.000 kr.

Atuereernerme uninngasuutit

Konto 59-01-10-35-00	Aasiaat	1.004.000 kr.
Konto 59-00-35-35-00	Kangaatsiaq	95.000 kr.
Konto 59-00-30-35-00	Qasigiannguit	184.000 kr.
Konto 59-00-40-35-00	Qeqertarsuaq	447.000 kr.

Kiffartuussinissamut isumaqatigiissut ingerlatillugu ukiumut katillutik 350.000 kr-nik naleqarput.

KINGUNISSAI:

Qeqertartaat Tusaataanut kiffartuussinissamik isumaqatigiissusiornerup kingunerissavaa kommunip innuttaasunut paassisutissiinerup pitsangorsarneqarnera.

INATSISITIGUT TUNNGAVIUSOQ:

- Kulturikkut ingerlatsineq sunngiffimilu sammisaqartitsineq pillugit Inatsisartut inatsisaat nr. 5, 6. Juni 2016-meersoq
- Politikkikut toqqammaviusumik isumaqatigiissut, Inuit Ataqatigit, Atassullu Kommune Qeqertalimmi Kommunalbestyrelsimi suleqatigiinnissamik isumaqatigiissutaat 5. marts 2019 imm. 3: "Kulturikkut naleqartitavut timersorneq, qimusserneq, niplersorneq, erinarsorneq, isiginnaartitsineq, atuakkiorneq, filmiliorneq, inuiattullu nutaaliortuarnerput pingaartillugu ineriartortitsissaagut".

INASSUTEQAAT:

Allattoqarfiup inassutigaa:

- Aaqqiissutissatut siunnersuut akuerineqassasoq
- Aningasartuutit konto 59-00 aamma 59-01 atorlugit akilerneqassasut
- Suliaq Kommunalbestyrelsimeut aalajangigassanngorlugu ingerlateqqinneqassasoq

ILANNGUSSAT:

- Ilanngussaq 03-01 - Kommune Qeqertalimmi innuttaasunut tusagassiisarneq pillugu sullissinissamik isumaqtigiissut
- Ilanngussaq 03-01 - Servicekontrakt vedrørende information til borgerne i Kommune Qeqertalik

AALAJANGERNEQ:

Ataatsimiitaliaq Timi Tanilu ulloq 4. Februar 2021 ataatsimiinnerminni aalajangernerat:

Inassuteqaat akuerineqarpoq.

Kommune Qeqertalimmi inoqarfinni tamani Qeqertarpaat tusaataata aallakaatitassiai tusarnaarneqarsinnaaneri misissorneqassaaq.

AALAJANGERNEQ:

Ataatsimiitaliaq Inua ulloq 17. Februar 2021 ataatsimiinnerminni aalajangernerat:

Inassuteqaat akuerineqarpoq.

AALAJANGERNEQ:

Inassuteqaat akuerineqarpoq.

Ukioq 2022-imut sullissinissamik isumaqtigiissut ilusilernissaanut suliariumannittussarsiuussineq aallartereernissaa kissaatigineqarpoq.

Suliap nr.:	21-004	Ilanng. nr	04	Journal nr.
Oqaluuserisaq	21-004 Iginniarfimmi qamutit sisamanik assakaasullit taarsernissaat			

EQIKKAANEQ:

Iginniarfimmi qamutit sisamanik assakaasullit (ATV) aserorsimapput. Taakkulu kisiartaallutik nunaqarfimmi aputeqannginnerani ingerlatsinermi ingerlassutaallutik.

SULIAP SULARINEQARNERA:

Iginniarfimmi ingerlatsinerni qamutit sisamanik assakaasullit (ATV) pisariaqarput. Massakkumut ATV-iit atorneqartut nutaanngilillutik aserfallakkiartornerminni aserorsimapput. Taakku Iginniarfimmi kommunip susassaqarfiisa iluani atorluarneqartarput. Sulisunullu annertuumik sulinerannut oqilisaataasuullutik. Eqqaavilerinermi, anartarfilerinermi, orsersuinermi, sillimaniarnermi atortussanillu assartuutitut atorneqartarput. ATV-iit nutaanngilinikuugamik aaqqissornissaanut taartissanik pissarsinissaq ajornalersimavoq. Taamaasilluni nutaanik ingerlassutinik pisariaqartitsisoqarluni.

Arfersorfimmi piniariat illuarassaanik pilersaaruteqarneq misissuereernissap tungaanut kinguartinneqarallarsinnaavoq taavalu Kangaatsiami sullissivimmi akissarsiassat missingorsorneqarsimasut ilanngarnerisigut aningaasat ATV-mik pisinissamut nuunneqarsinnaapput. Akissarsiassatut missingersuutit ilanngarneqarunik ukiup missingersuiffiusut 2021-ip iluani ajunaarutaassanngillat. Sulisussarsiornerit arlaqartut suli inuttassarsineqannngimmata.

INATSIT TUNNGAVIUSOQ:

Soqanngilaq.

KINGUNISSAI:

Qamutinik sisamanik assakaasulinnik pissarsinermi Iginniarfimmi innuttaasunik sullissineq pitsaanerusumik ingerlanneqalissaq. Sulisullu atungassarititaat pitsangortinnejarlutik. Ulluinnarni kommunip susassaqarfiini sullissineq nalinginnaasumik ingerlanneqalissaq.

ANINGAASATIGUT KINGUNISSAI:

Missingersuutaasuniit suliassanik ukiup tullianimut pilersaarutinik nuussinermi pisineq pisinnaavoq. ATV neqeroorutigineqartoq kr. 75.000 naleqarpooq.

Aningaasanik aallerfissat konto:

Konto: 23-10-35-15-00: kr. 70.000

Konto: 11-00-35-01-10: kr. 10.000

Konto nuussiffigineqartussaq:

Konto: 23-20-70-15-00

SULIAP SULARINEQARFIA:

Kommunalbestyrelsi

INASSUTEQAAT:

Allattoqarfiup Ataatsimiitaliaq INOQARFIK siunnersorpaq

Aningaasanik ingerlatsinermi atungassanik nuussinissaq akuerissagaa, aalajagiiffigereeruniullu Ataatsimiitaliaq INUA-nut ingerlateqqissallugu. Naggataatigullu Kommunalbestyrelsimeut ingerlateqqissallugu.

ILANNGUSSAT:

Ilanngussaq 04-01: ATV-mut neqeroorut.

AALAJANGERNEQ:

Ataatsimiitaliaq Inoqarfik ulloq 10. Februar 2021 ataatsimiinnerminni aalajangernerat:

Inassuteqaat akuerineqarpoq.

AALAJANGERNEQ:

Ataatsimiitaliaq Inua ulloq 17. Februar 2021 ataatsimiinnerminni aalajangernerat:

Inassuteqaat akuerineqarpoq.

AALAJANGERNEQ:

Inassuteqaat akuerineqarpoq.

Suliap nr.:	21-005	Ilanng. nr	05	Journal nr.
Oqaluuserisaq	21-005 Kangaatsiami illup B-322-ip attartortakkap attartortagaajunnaarnikut iluarsaannissaa.			

EQIKKAANEQ:

Ilu B-322 Kangaatsiamiittup ruujoriisa qaararnerisa kingorna annertuumik suliassanngornini pissutigalugu attartortakkaniit peerneqarnikuvoq. Iluarsanneqarunilu Kangaatsiami sulisutaarnermi aningaasartuutasartut annikillilerneqarsinnaallutik.

SULIAP SULIARINEQARNERA:

B-322 Type JAK 4-mik taaguuteqarpoq 48 m² angitigaluni qaliaqarani, 1969-imilu sanaajulluni. B-322 ukioq 2018 attartortut aallaqqaneranni illu ruujorii issimik qaarartoornikuupput, taamaasilluni illu attartorteqqitassatut tulluarunnaarluni. Iluarsartuunnissaa akisuallaalerluni. Illu piginnittumut Kommune Qeqertalimmut attartortagaajunnaarluni uterteqqinnejqarnikuvoq ukioq 2019.

Ukioq 2020, maj. kommunimi sulisunik igaffia piliarneqarpoq qanoq annertutigisumik suliassaanersoq misissorniarlugu. Suliaq unitsinneqarnikuvoq atortussat qanoq annertutigissanersut misissorneqarlutik.

Kangaatsiami sulisunik nutaanik atorfinititsineremi inimik inissikkallarfeqanngilaq (vakantbolig). Tamannalu peqqutigalugu sulisunik nutaamik atorfinititsineremi aningaasartuutit annertusarlutik. Sulisut nutaat unnuisarfinnik attartornermi inissikkallarneqartarput initaarnissaata tungaanut. Kangaatsiamilu inissaaleqisoqarmat tamanna sivisusinnaasarluni.

INATSIT TUNNGAVIUSOQ:

Soqangnilaq.

KINGUNISSAI:

Ilu iluarsanneqarpat Kangaatsiami suliartortut kommunip vakantiutaanut inissikkallarsinnaalissapput.

ANINGAASATIGUT KINGUNISSAI:

Illumik suliartortunut inissikkallarfiliornermi unnuisarfinnut aningaasartuutit annikillissapput.

Akissarsiassatut missingersuutit ilanngarneqarunik ukiup missingersuiffiusut 2021-ip iluani ajunaarutaassanngillat. Sulissussarsiornerit arlaqartut suli inuttassarsineqanngimmata.

Aningaasanik aallerfissaq:

Konto: 11-00-35-01-10: kr. 300.000

Sanaartornermi konto atungassaq:

Konto: 70-04-35-50-62

SULIAP SULIARINEQARFIA:

Kommunalbestyrelsi

INASSUTEQAAT:

Allattoqarfiup Ataatsimiititaliaq INOQARFIK siunnersorpaa

Aningaasanik ingerlatsinermi atungassanik nuussinissaq akuerissagaa, aalajagiiffigereeruniullu Ataatsimiitaliaq INUA-nut ingerlateqqissallugu. Naggataatigullu Kommunalbestyrelsimeut ingerlateqqissallugu.

ILANNGUSSAT:

- Ilanngussaq 05-01: Illup iluata titartagartaa kiisalu sortaagut imeq kuussimanersoq.
Ilanngussaq 05-02: Assit, illup iluani silataanilu.
Ilanngussaq 05-03: Illup suliarinissaanut neqeroorut.

AALAJANGERNEQ:

Ataatsimiitaliaq Inoqarfik ulloq 10. Februar 2021 ataatsimiinnerminni aalajangernerat:

Inassuteqaat akuerineqarpoq.
Ataatsimiitaliaq Inua-ni oqaluuserineqalerpat, suliamic saqqummiisut nassuaateqarnissaat ataatsimiitaliaq Inoqarfimmit kissaatigineqarpoq, illu ukiuni 50-ini atuussimasup "saanii" qanoq siunissami akiuussinnaanissaat misissorneqarlutik atuussinnaanersut qulakkeerusunneqarmat.

AALAJANGERNEQ:

Ataatsimiitaliaq Inua ulloq 17. Februar 2021 ataatsimiinnerminni aalajangernerat:

Inassuteqaat akuerineqarpoq.

AALAJANGERNEQ:

Inassuteqaat akuerineqarpoq.

Suliap nr.:	21-006	Ilanng. nr	06	Journal nr.
Oqaluuserisaq	21-006 Qeqertarsuup eqqaani Kuannit misissorneqarnerat			

UTEQQIINEQ:

Kommune Qeqertaliup Qeqertarsuup kangiani Kuannit takornarianut nittarsaaneeqarnissaa pillugu saaffiginnissut Kristian Brobergimit tiguaal ulloq 6. Januar 2021. Saaffiginnissummi nunaminertap eqqissisimatinneqarnissaanik periarfissat arlallit tikkuartorpai, taama iliornermi takornariaqarneq kusanarluinnartumillu pinngortitaq pissusissamisoortumik illorsorneqalissasoq aamma eqqaaneqarput.

SULIAP SAQQUMMIUNNEQARNERA:

Kuannit Qeqertarsuup kangiatungaaniipput aamma kuanninik pitsasunik ukiorpassuarni aallerfiusarpoq. Sumiiffik taanna immikuullarissuuvoq aamma takornarianut nittarsaaneeqarnissaminut piukkunnartuuvoq ilutigalugulu takornarianik sullissineq nakkutigineqartoq atorlugu illorsorneqarsinnaalluni. Saqqummiussanit ataaseq Visit Greenlandimit taperserneqarpoq.

Pinngortitap immikkoortuinik takornarianik nakkutiginnilluni suliaqarneq nalinginnaasumik Ilisimatusarnermut Avatangiisinullu Naalakkersuisoqarfimmik suleqateqarluni eqqissisimatisinissamik nalunaarusiornikkut pisarpoq. Nunamik eqqissisimatisilerneq aamma ima atuuffeqarsinnaasarpoq; nunarsuup sinneranut nunaminertap pineqartup eqqissisimatinneqalernerata nittarsaaneeqarneranut tamanna iluaquatasarpoq, taassuma saniatigut pinngortitaq kusanarluinnartoq pigiinaarneqarsinnaasarluni. Eqqissisimatisinissamik nalunaarutip sularalugu aallartinneqarnissaa anguniarlugu nunaminertaq pineqartoq qanoq killilerneqassanersoq, eqqissisimatisiniarluni suliniutissat aamma siunissami nunami pineqartumi pisartussat qulaajarneqarnissaannik piumasaqaataapput.

Taamaattumik kommunalbestyrelsi Kuanninik misissueqqissaarnerermik aallartitsissasoq siunnersutigineqarpoq, misissueqqissaarnermi eqqissisimatisisoqassappat suliniutit suut aallartinneqassanersut aamma nunap pineqartup takornariaqarnikkut qanoq periarfissaqarnera misissorneqassapput.

INATSISITIGUT TUNNGAVIUSUT:

- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq

KINGUNISSAI:

Pinngortitap illorsorneqarnera aamma Kuannit takornarianut kajungissaarutigineqarluni nittarsaaneeqarsinnaaneranik periarfissaqarnerulerneq.

ANINGAASATIGUT KINGUNISSAI:

Aningaasaqarnikkut kinguneqartussaanngilaq.

SULIAP SULARINEQARFIA:

Kommunalbestyrelsi

INASSUTEQAAT:

Allattoqarfiup ataatsimiititaliaq INOQARFIK ima inassuteqarfingaa

Misissueqqissaarnerup nalunaarusiarineqarnera aallartissasoq, taassuma Kuannit eqqisisimatinneqalernissaannik periarfissat misissussavai aamma suliaq ataatsimiititaliamit INUANIT kingornalu kommunalbestyrelsimit suliarineqartussanngorlugu nassiunneqassasoq inassuteqaataapput.

ILANNGUSSAT:

Ilanngussaq 06-01 Kuannit pillugit siunnersuut

AALAJANGERNEQ:

Ataatsimiititaliaq Inoqarfik ulloq 10. Februar 2021 ataatsimiinnerminni aalajangernerat:

Inassuteqaat akuerineqarpoq.

AALAJANGERNEQ:

Ataatsimiititaliaq Inua ulloq 17. Februar 2021 ataatsimiinnerminni aalajangernerat:

Inassuteqaat akuerineqarpoq.

AALAJANGERNEQ:

Inassuteqaat akuerineqarpoq.

Sags nr.	21-007	ilanngussat nr.	1	Cpr.nr.
Sammisaq	21-007 Siunnerfik - Suliniummut ataqatigiissaarisumik atorfimmik pilersitsineq			

EQIKKAANEQ:

Siunnerfik 28.-29. September 2020 ingerlanneqareernerata kingorna, allattoqarfik isumasioqatigiisitsinermi eqqartorneqartut aallaavigalugit nalunaarusrusiorpoq, suliniutissap ingerlariaqqinnissaanut suliassanik innersuussilluni. Taassumunnga atatillugu ataatsimiitsitaliaq INUA februar 17.-ani 2021 ataatsimiinnerminni, aalajangerpoq piaartumik suliniut Siunnerfik ataqatigiissaarisussamik atorfimmik pilersitsisoqassasoq.

SULIAP SAQQUMMIUNNEQARNERA:

Suliniutip Siunnerfik siunertaraa Kommune Qeqertalimmi Kommunalbestyrelsip, ukiunut tulliuttunut tallimanut, meeqqanut inuuusuttunullu suleriusissamik pilersitsinissaminut siunniussimasa timitalerlugulu piviusunngortinnissaa. Taassuma ataani meeqqat atuarfianni angusat qaffassarnissaat, atuanganitsoortarnerup apparsarnissaa kiisalu aanngajaarniutnik atuinerup annikillisarnissaa, kommunalbestyrelsimit aalajangiunneqarsimasut.

Suliniut Siunnerfik ajunngitsumik ingerlalluarluni kinguneqarluassappat pisariaqarpoq siammasissumik piginnaasalimmik ataqatigiissaarisooqarnissaa. Ataqatigiissaarisut suliassat akisussaaffissaalu pingaarnertut ukuussapput:

- Kommune Qeqertalimmi inoqarfinttamani assigimmik suliniut Siunnerfik ingerlanissaanut ataqatigiissaarisaluni
- Suliniummut atatillugu suliamut tunngasunik paassisutissanik katersineq ataqatigiissarnissaa
- Avataaniit pitsaasumik suleqateqarneq qulakkeernissaa
- Suliniutip nittartagaa pilersinnissaa ataavartumillu inerisarnissaa immersorneralu isumagissallugu.
- Suliniummut, suleriusinik pilersaarusiorneq taakkulu piviusunngortinnissai ataqatigiissassallugit
- Suliniutinik ataavartumik nalilersuisarnissaq
- Kommune iluani meeqqanut inuuusuttunullu susassaqartut suliniummut peqataatitsineq
- Meeqqat inuuusuttullu isumaat tusarniaaffigisarnissaanut akisussaasoq
- Suliunitinut avataaniit aningaasanik ujartuinerup ataqatigiissarnissaa.

Qulaani taajorneqartut saniatigut allanik suliassaqarnissaq naatsorsuutigineqassaaq.

Aaqqiissutissatut siunnersut

Allattoqarfip innersuussutigaa qulaani piumasaqaatinik piginnaanilimmik atorfinititsisoqassasoq.

ANINGAASATIGUT KINGUNISSAI:

Atorfinititsinerup aningaasatigut kingunissai: Aningaasarsiaq ukiumut aningaasarsiat atorfinitinnermi isumaqatigiissutit AK , funktionsoverenskomst 01.04.2019-31.03.2023 §13 specialkonsulenter/seniorrådgiver malillugu aningaasarsiai ukiumut t.kr. 500 tikillugit aningaasartaqassaaq.

KINGUNISSAI:

- Suliniut Siunnerfimmut atorfinittussap akuerineqarnerta kingunerissavaa isumasioqatigiinermi eqqartorneqartut suliassartaasa aallartinneqarsinnaangornerat
-

INATSISIT TOQQAMMAVIGINEQARTOQ:

- Meeqqanut politiki, Kommune Qeqertalik
- Timi Tarnilu politiki, Kommune Qeqertalik
- Inuit politiki, Kommune Qeqertalik
- Kommune Qeqertalimmi anguniagaq missingersuut 2021
- Meeqqat tapersorsorneqarnissaanut inatsisartut inatsisaat nr. 20, 26.juni 2017
- Inuit innarluutillit tapersorsorneqarnissaanut inatsisartut inatsisaat nr. 13, 12.juni 2019

INASSUTEQAAT:

Allattoqarfiup inassutigaa:

- Siunnersuut akuerineqassasoq
- Aningaasartuutit konto 11-00 atorlugu akilerneqassasut
- Suliaq Kommunalbestyrelsimut akuerisassanngorlugu ingerlateqqinnejassasoq

ILANNGUSSAT:

Soqangnilaq

AALAJANGERNEQ:

Ataatsimiitaliaq Inua ulloq 17. Februar 2021 ataatsimiinnerminni aalajangernerat:

Inassuteqaat akuerineqarpoq.

AALAJANGERNEQ:

Inassuteqaat akuerineqarpoq.

Suliap nr.	21-008	Ilanngussap normua		Journal nr.	01.00.03
Eqqartugaq	21-008 DSP Qeqertarsuaq sneescooterinik pisinissamut qinnuteqaataa				

EQIKKAANEQ:

Ulloq 3. Februar 2021, DSP siulersuisuiniit Kale Mølgaard mail-kut nassiussivoq sneescooterinik pisinissamut aningasaliiffigeqquallutik.

Qinnuteqqaammi qamuteralaat pisiarineqarusuttut nutaat marluk Pilersuisumi nioqqutaaput.

Qinnuteqaatip ilaatigut imarivaa illoqarfimmi meerapassuit inuuusuttullu timersoqatigiiffiup sullitarigai, aammalu ersarissumik ilanngunneqarsimalluni illoqarfimmuit annertuumik sammisassaqtitsinikkut pinaveersaartitsinikkullu suliaqarnertik. Ataarfiusartoq illoqarfimmuit 6 km. missaani ungasissuseqarpoq, taannalu ataartussanik assartuinissami annertuumik ajornartorsiutaasarluni. Aralitsigut inuit angajoqqaallu namminneq qamuteralatik atorlugit ataarianik assartuisarsimapput. Immikkullu eqqaaneqarluni DSP-miik isumannaallisaaneq eqqarsaatigalugu qamuteralaat pisariaqartinneqartut.

Timi Tarnilu Qeqertarsuarmiit ilisimaneqarpoq timersoqatigiiffik pineqartoq annertuumik meeqqanut inuuusuttunullu pitsaasumik sullissusuusoq, aammalu minnerungitsumik pinaveersaartitsinermi illoqarfimmi sunniutilimmik suleqataasut, ilaasortarpassuaqartullu illoqarfifiup inuttussusaa eqqarsaatigalugu. Weekend tamaasa sila atorsaatillugu ataartarfik meeqqanut, inuuusuttunut, inersimasunullu annertuumik katersuuffiusarpoq. Minnerungitsumik meeqqat ornitassaqartarlutik piffimmik peqqinnartumik toqqissisimanartumillu. Qularnangilluinnarporlu timersoqatigiiffiup sullissinera annertuumik iluaquataajumaartoq tamanut qamuteralannik peqalerpata.

Aningasat eqqarsaatigalugit periarfissaqarpoq konto timersornermik tapiissutiniit qamuteralannik pisinissaq aningasaliiffiqeqassappat. Ukioq manna unammersuarnerit assigiinngitsut uninnngammata aningasartutissat annikinnerussapput, minnerungitsumik Qeqertarsuarmiit Avannaata Qimusseruanut peqataasoqarsinnaannginnera eqqarsaatigalugu. Taamaattumik konto-mi taaneqartumiit aningasaliinissaq periarfissaavoq, allanut timersuutinut aningasanik tapiinissamut kalluaanngitsumik.

SULIAP SAQQUMMIUNNEQARNERA:

Suliaq naatsumik erseqqissumillu nassuiardeqassaaq.

Piffissaq massakkumiit annertusiartortumik DSP ataartitsinerit ingerlattarpai, taannalu pisarpoq maj aallartinnerata tungaanut. Piffissamik kingullermi timersoqatigiiffimmuit aammalu illoqarfimmi annertuumik eqqartorneqartarpoq qamuteralaat atorneqartartut namminneq pigisat annertuumik pilliutigineqartarneri aammalu aserfallakkiartupallattaneri. Taamaattumik una piffissaq DSP annertuumik qamuteralannik pisariaqartitsivoq. Minnerungitsumik angorusunneqaruni peqatigiiffimmuit ilaasortat aalaakkaasuunissaat aammalu ameriartornissaat. Timersoqatigiiffiullu sulinera annertuumik iluaquataallunilu sunniuteqarpoq illoqarfimmuit assigiinngitsutigut. Timersoqatigiiffimmuit annertuumik sullissineq pitsaanelurissaaq aammalu qamuteqaralaqanngitsut ataariarusuttut assartorneqanissaminntu ataariarsinnaalernissaminnullu periarfissaqalissallutik. Ilaatigut pisoqartarpoq meeqqat inuuusuttullu ataarianngitsuuinnartariaqarlutik aqutissaqannginneq pequtigalugu, ataartarfik illoqarfimmuit ungasimmat.

Qamuteralannik pisinissamut akuersisoqassappat, qamuteralannik paarsinissaq ingerlatsinissat, aserfallatsaaliihermut aningasartutissat timersoqatigiiffimmuit isumagineqarnissaat ingerlassasoq innersuunnarpoq. Tassami tamakkiisumik qamuteralaat timersoqatigiiffimmuit tunniunneqassasut.

ANINGAASATIGUT KINGUNISSAI:

Timersornermiit tapiissutinut konto-qarfimmiit tapiinissaq periarfissaavoq, taannalu aaqqissuussassanut kiisalu timersornermut angalanissanut allanut kalluaajunnarani, aammalu ukiup naanissaanut sippuisoqassanani. Tassani peqqutaalluni timersornerit arlaqartut ukioq manna uninnikuummata, minnerunngitsumillu avannaata qimusseruanut Qeqertarsuarmiit peqataasoqartussaannginnera eqqarsaatigalugu.

Konto atorneqartussaq: 62028.

Massakkut konto pineqartoq 1,2 mio. kr.-nik imaqarpoq. Qamumuteralallu marluk coverissait ilanngullugit katillugit 165.988,00 kr.-nik nalillit pisiarineqassappata sinnerutissallutik 1 mio. kr. missai.

Ullunilu makkunani unammersuarnerit ammaanneqarnerini allanut timersoqatigiffinnut angalanissanut tapiinissanut kalluaassangillat.

Tapiisoqassappat pisinerup kingorna akissuuffik qamuteralannut tunngasoq timersoqatigiiffiup tigussagaa.

KINGUNISSAT:

Meeqananik inuusuttuaqqanillu kiisalu innuttaasunik amerlasuunik annertuumik pinaveersaartitsinermik kinguneqassaaq.

INATSISITIGUT TUNNGAVIUSOQ

Meeqqat tapersorsorneqarnissaannut Inatsisartut inatsisaat nr. 20, 26. Juni 2017-imeersoq aamma Politikkikkut toqqammaviusumik isumaqatigiissut, Inuit Ataqatigiit, Atassullu Kommune Qeqertalimmi kommunalbestyrelse-mi suleqattigiinnissamik isumaqatigiissutaat 5. Marts 2019 imm.3:

“Kulturikkut naleqartitavut timersorneq, qimusserneq, niplersorneq, erinarsorneq, isiginnaartitsineq, atuakkiorneq, filmilorneq, inuiattullu nutaaliortuarnerput pingaartillugu inerartortitsissuugut.”

Kommune Qeqertalimmi tapiisarnermut ileqqoreqqusami allaqqasoqanngilaq

SULIAP SULIARINEQARFIA:

Kommunalbestyrelsi.

INASSUTEQAAT:

Timi Tarnilu Qeqertarsuarmiit kommunalbestyrelsimit inassuteqaatigineqarpoq:

- Qinnuteqaat akuerineqassasoq
- Aningaasat timersornermi tapiissutiniit akilerneqassasut (konto: 62028)
- Qamuteralaat marluk pisiarineqassasut

ILANNGUSSAT:

Ilanngussaq 08-01 qinnuteqaat
Ilanngussaq 08-02 Tilbud pilersuisumiik

AALAJANGERNEQ:

Inassuteqaat akuerineqarpoq.

Suliap nr.	21-009	Ilanngussap normua	09	Journal nr.	
Eqqartugaq	21-009 www.qinersineq.online Kommune Qeqertallip ilisarnaataata atornissaanik qinnuteqaat				

EQIKKAANEQ:

Nittartagaq www.qinersineq.online Kommune Qeqertalimmut saaffiginnippoq kommunip ilisarnaataa nittartakkami atorusullugu.

SULIAP SAQQUMMIUNNEQARNERA:

Nittartagaq www.qinersineq.online innuttaasut politikkut suliniartut pillugit paasiniaasinnaanerannik ajornannginnerulersitsinissamik siunertaqarpoq, assersuutigalugu qinersinerni. Kommunip ilisarnaataa nittartakkami qulaani eqqaaneqartumi atorneqarsinnaanera kommunalbestyrelsimit akuerineqassappat, kommunip ilisarnaataa toorneratigut Kommune Qeqertallip nammineerluni nittartagaa iserfigineqartassaaq.

ANINGAASATIGUT KINGUNISSAI:

Aningaasatigut kingunissaqanngilaq

KINGUNISSAT:

Kommunalbestyrelsip kommunip ilisarnaataanik atorniartoq akuerissappagu, nittartakkallu siunertani angussappagu, Kommune Qeqertalik nunatsinni innuttaasunut imaluunniit nunatta avataaneersunut siamasissumik nittarsaanneqarnissa kingunerisinnaavaa.

INATSISITIGUT TUNNGAVIUSOQ

Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi, § 2: "Kommunip ilisarnaataa kommunimi pineqartumi oqartussaasut kisimik atugassaraat. Taamaattoq ilisarnaatip atorneqarnissaanut qinnuteqartoqartillugu pinerit tamaasa allat ilisarnaammik atuisinnaanerannut kommunalbestyrelse akuersinnaavoq. Ilisarnaatip aningaasarsiutitut atorneqarnissaanut akuersineq sullissinermut akitsuutitut akiliuteqarnissaq piumasaqaatinngortinneqarsinnaavoq."

SULIAP SULARINEQARFIA:

Kommunalbestyrelsi

INASSUTEQAAT:

Allattoqarfiup kommunalbestyrelsimit inassuteqaatigaa:

- Kommunip ilisarnaataata atornissaanik qinnuteqartoq akuerineqassasoq.
- Qinnuteqaat akuerineqarpat kommunip ilisarnaataa pitsaasoq (høj oplysning) qinnuteqartumut nassunneqassasoq.
- Atorfilitat kommunalbestyrelsimit pisinnaatinneqassasut akuersissutip atorunnaarsinneqarasuarnissaanik, piffissap ingerlanerani takuneqarsinnaalissagaluarpat nittartakkap www.qinersineq.online siunertani angusinnaanngikkaa imaluunniit kommunip ilisarnaataa eqqunngitsumik atorneqalissagaluarpat.

ILANNGUSSAT:

- Ilanngussaq 09-01 Qinnuteqaat

AALAJANGERNEQ:

Inassuteqaat akuerineqarpoq.

ATAATSIMIINNEQ NAAVOQ: 10:19**ATSIORFISSAQ:**

Hansen, Ane _____

Olsen, Peter _____

Broberg, Bia A. _____

Nathanielsen, Karl Thue _____

Aronsen, Hans _____

Petersen, Thomas _____

Kristensen, Niels _____

Jeremiassen, Kristian _____

Jeremiassen, Nikkulaat _____

Sandgreen, Enok _____

Mølgaard, Timooq _____

Jeremiassen, Otto _____

Frederiksen, Ole I. _____

Broberg, Kristian _____

Kristensen, Naja _____